



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Æqvo Lectori, F Ave.

urn:nbn:de:hbz:466:1-35233



ÆQVO LECTORI,

F
A V E.



OMNIS seu Tiruli rationem etsi loquatur Opus; præloquar tamen ipse tribus.

Georgius Scherer alias ioco serio ac perutili confarcinavit Lutherocentonem des *Luthers Bettelmantel*: quem Lutherani infeliciter excusserunt. Ego hic Lutherocaluinistarum Centonem institui confarcinare: verū vt ab instituto, sic & ab titulo omnem abesse iocum volui Titulumque libello serium præcipi, **GENEALOGIA LUTHERO-CALVINISTICA.**

LUTHERO-CALVINISMI quidem à me redditam rationem est quod repetas ex præfatione mei Lutherocaluinistæ. Vnius hic duntaxat Monitor sum: Vtrosque *Lutheranos* perinde ac *Caluinistas*; vt deament, ac tantum non deperiant suum isti *Lutherum* hi *Caluinum*; ipsi tamen eorum Sectatores ab eis appellari *Lutheranos* ac *Caluinistas* perægrè audiunt; quòd nominis ipsa nouitas doctrinæ clamet nouitatem; hocque ipso

de hæresi notatam. Qua causa inde ab origine sua nupera, arripuerunt, inuaserrunt auidè; vlturparunt, iactarunt gloriose nomina, ab sæcularibus Sectæ nouæ Principibus, *Protestantium*: Ab Ministrorū suorū Confessione Augustana, *Cōfessionistarum*: Ab Professione iactabunda omnium, *Euangelicorum*.

In hæc Nomina pars irrepsit, pars irruerunt Calvinistæ; præsertim arte ac Vnione initâ cum Lutheranis mutuâ: Nisi quòd vno *Reformatorum* vocabulo ab istis volunt in nonnullis internosci.

1. Quam tamen ex hoc vatinianis, planèque viperinis, verè Satanicis, inter sese odijs dissideant, tum ipsis est notissimum; tum nemini non notum, Deo laus.

2. In quot verò quantisq; Fidei questionibus aduersum S. Rom. Ecclesiam coniurati conspirent; meus *Luthero-caluinista* docet.

3. Quam ex diametro etiam contraria CHRISTO dogmatizent; meus

T 2

Anti-

*Antichristus Lutherocaluinismi demon-
strat.*

4. Quam impudenter effrontes Me-
dacijs ac Calumnijs, (cōiuitia nil mora-
mur) Romano-catholicos certatim o-
nerare nil erubescant; meus *Mendax
Antipapista* paucis indicat.

5. Eccunde autem suarum repetant
hæresium originem; isthæc mea *GE-
NEALOGIA* inde eam ab singularum
deducit Hæresiarchis pricis; olimque
sæpius conlemnatis.

Et hic est ipse *SCOPVS*, in quem col-
limat hoc Opus.

Porro, quod omnis illa seu Hæresi-
archarum, seu Hæreticorum progenies
& Genealogia vno ex Patre *DIABOLO*
est, quisuit mendax & homicida ab initio;
notum est seipso.

Id tamen à S. Chrystomo graphi-
cè descriptū, ex ipsius hom. 48. Op. Im-
perf. in c. 24. Matt. huc subijciam. Tem-
pore Apostolorum, inquit, tantummodo se-
minata sunt hæreses; Tempore autem Regis
Christiani germinauerunt: Nostris autem
temporibus maturuerunt, & prauauerunt.

Et infrà de scissionibus sectatorum,
& Vnionem Romanocatholicorū ita: De-
structa turre Babel sitij Noe dispersi sunt, & in
tot partes diuisi: Et super singulas quasque
Gentes *PRAEPOSITI SUNT ANGELI
MALIGNI*: sola autem gens Iudæa facta
est in portione Dei. Deut. 32. Quando diui-
debat Altissimus gentes: & vsque, Iacob fu-
niculus hereditatis eius. Applicat ita. Quan-
do ergo Ecclesia ex mistis voluntatibus erat
repleta: Sicut Retia, que dicuntur in Euange-
lio repleta de piscibus mixtis: necesse erat, vt
purgaretur Ecclesia: vt boni quidem pisces mit-
terentur in vasis, mali autem proijcerentur

foras. Ideo concessa est *DIABOLO* Errori
seminandi licentia: & sic dispersa sunt per plu-
rimas hæreses, Vnusquisque secundum propo-
situm suum. Remansit autem *VNA FIDES*
tantum apud Deum.

Vnde, sicut tunc, cum omnes homines ef-
sent *Vna Gens & Lingua*, diuisi sunt per plu-
rimas Gentes: Ita & modo, cū esset totus popu-
lus Christianus *Vna Ecclesia*, & *Vna Fides*
diuisi sunt per multas hæreses.

Et sicut tunc omnes Gentes facta sunt sub
principatu *PRINCIPVM MALIGNORVM*.
Sic modo Omnes hæreses facta sunt *SVB DIA-
MONVM PRINCIPATV*: *Vna* autem sub
Principatu *CHRISTI* remansit. De qua dicit
propter Ecclesiam: *Vna* est Columba mea, Per-
fecta mea. Verè Chrystomicus Sed Gentes
sua hæreticorum altius repetit idem
hom. 8. in 2. ad Tim. 4. Si quis, ait, nunc
indignetur quod hæretici sint; consideret eos
primordijs Fidei erupisse, *DIABOLO* semper
Veritati mendacium clam inferere molente.
1. Promiserat initio Deus primis hominibus
bona: accessit *DIABOLVS* promittens itidem
bona, & qui rebus nihil poterat, verbis pro-
mittit ingentia. Huiusmodi quippe Seductores
sunt.

2. Postea fuerunt *Moyse & Magi*; Pre-
pheta & Pseudoprophetae. *Apostoli & Pseudo-
apostoli*. *Christus & Antichristus*. Prius igitur
atque ab ipsis cunabulis mundi, & Aposto-
lorum temporibus ista contigerunt. Nunquam
igitur fuit, quin *Mendacium Veritati* later-
ter sese infereret: non mirum ergo, quod nunc
quoque ista sint, cum dixerit *Apostolus*, 2.
Tim. 4. quod in nouissimis temporibus instabu-
bunt tempora periculosa.

Denique Exitum ecce omnium, Fi-
nis interitus. Vnde S. Ambrosius l. de fide
Orth. contra Arianos. to. 4. Nihil perni-
ciosius

cius hereticis esse potest, quod, quibus multa nobiscum paria sunt, vno tamen verbo, quasi veneni guttâ, meram illam ac simplicem idem Dominica, & exinde Apostolica Traditionis insciant. &c. Nihil tam cogit in mortem, quam sub obtentu Fidei, Fidem violare. Vt enim eypsum aquâ permixtum, lac colore mentitur: ita hic per Verisimilem Confessionem Traditio inimica suggeritur.

S. Hieron. lib. 4. in Jerem. c. 23. *Cum*

semel se tradiderint falsi doctores mendacis, atque periurii & mortibus deceptorum; non pedetentim nec considerato gradu sed precipites currunt ad interitum & suum, & eorum, quos deceperint. &c. Hinc corpora curant cum cœlestia desperant, vt docet ibidem S. Hieronymus Luculente. Sed nos prolixiore missa Præfatione, rem propositum que adoriamur cum Deo

DOCERE

Per Inductionem singularum Controuersiarum; Lutherocaluinistas innouare veterum Hæreses Hæresiarcharum, olim condemnatissimas; ab eadem S. Rom. Ecclesia; quam Nouatores hodieque per anathematizatas, olim hæreses impugnant.

E CONTRA:

Lutherocaluinistæ pariter doceant, absque figmento & fuco; S. Rom. Ecclesiam hodie tenere, aut vnquam tenuisse sententiam; quam cum vlllo priscorum Hæresiarcha contigerit Oecumenicè anathematizari.

Gloria nostra hæc est:

Testimonium Conscientiæ nostræ:

Et Vox Ecclesiæ Testantis vt SIC,

Cui me, meaque omnia voueo: & Obedienter submitto.

ITA VIVO.

T 3

Par-